



Inatsisartunut ilaasortat Siverth K. Heilmann aamma Knud Kristiansen, ATASSUT

Maani

Aalisariutit glasfiber-it pillugit apeqqut nr. 2011-150-imut akissut

12. aug 2011
Sagsnr. 2011-053837
Dok. Nr. 698122

Inatsisartut suleriaasianni § 37 imm. 1 naapertorlugu aalisariutit glasfiber-it pillugit Naalakkersuisunut apeqquteqarpusi. Apeqqutitisi uannit akisassanngortinneqarput.

Postboks 269
3900 Nuuk

Tlf. (+299) 34 50 00

Fax (+299) 32 47 04

E-mail: apnn@nanoq.gl www.nanoq.gl

Naalakkersuisunut Apeqqut:

1) Aalisariutit glasfiber-it ukiuni 20-vini pisoqaassusillit, nutarterinissamut mootoriarunilluunniit, pisortat aqqutigalugit taarsersugassanik atorniarsinnaanerit periarfissaqartinneqanngilaq, tamannalu qaangerniarlugu iliuseqarnissamullu Naalakkersuit pilersaaruteqarnerlutik?

Akissut:

20. november 2006 Inatsisartut akuersissutigaat Aalisarnermik piniarnermillu inuussutissarsiutillit inuussutissarsiomerannik siuarsaaneq pillugu Inatsisartut peqqussutaat nr. 10. Peqqussutip 2006-imi allanngortinneqarnerani aalisariutit ukiuni qassini atuunnissaanut piumasaqaatit ilanngunneqanngillat. Taamaammat inatsisitigut akornutissaqanngilaq aalisariutinut glasfiber-imik sanaanut ukiut 20-it sinnerlugit pisoqaatigisunut taarsigassarsitsisoqarsinnaanera.

Taamaattoq peqqussutip nutaap Inatsisartunit akuerineqarami, akuerineqarpoq peqqussutip siunertarigaa aalisarnermik inuussutissarsiorerup naammassiviulluartartup unammillersinnaasullu siunissaq ungasinnerusoq isigalugu inooqatigiit aningaasarsiorerannut iluaqutaanissaata siuarsarneqarnissaa.

Tassa allaffissornikkut naliliinerup aalajangertarpaa aalisariutit glasfiber-inik sanaat ukiut 20-it sinnerlugit pisoqaatigisut taarsigassarsisinneqarsinnaanersut. Naalakkersuisut isumaqarput aalisariutit glasfiber-i ukiunik 20-inik pisoqaassusilik peqqussutip siunertaanut naammassinnissinnaanngitsoq. Naalakkersuisut massakkuugallartillugu peqqussutip allanngortinnissaanut pilersaaruteqanngillat.

Naalakkersuisunut Apeqqut:

2) Aalisarnerup kingumut ilorraap tungaanut saakkaluttuinnaarnerani kiisalu Inatsisartuni ESU-pulje-mik pilersitseqqissinnaaneq eqqartorneqartinnagu ATASSUT-miit Naalakkersuisunut apeqqutigissavarput, aalisariutit piusinnaaneritut apeqqut nutaamik nalilerniarneqarnersoq imaluunniit siunnersortinik atuisarsimanerup kingumut pilerseqqinneqarsinnaanera eqqarsaatigineqarnersoq?

Akissut:

Massakkuugallartillugu Naalakkersuisut pilersaaruteqanngillat aalisariutit piusinnaane-
rannut apeqqut nalilersussallugu. Inatsisartut peqqussutaat qulaani taaneqartoq
aamma Aalisarnermut aningaasaliissutitut immikkoortitat pillugit Inatsisartut inatsisaat
nr. 15, 20. november 2006-imeersoq, taassumalu kingusinnerusukkut allannguutai,
tunngavigalugit Inatsisartut akuersissutigaat aalisarneq tapersersussallugu tapiisarnikkut
taarsigassarsititsisarnikkullu, tassuunatigut aalisarneq
naammassiviullu arnerusinnaanngoqqullugu unammillerluarsinnaanngoqqullugulu.
Naalakkersuisut isumaqarput aalisarneq
naammassiviullu arnerusinnaanngitsorlu unammillerluarsinnaanngitsorlu aalisariutit piusinnaanerisa
sivitsornerisigut. Naalakkersuisuttaaq isumaliutiginnigilaat siunnersortinik
pilersitseqqinnissaq. Naalakkersuisut KNAPK-p ataani aalisartunut piniartunullu
siunnersorteqarfimmut angusassanik isumaqatigiissuteqarput, taakku ilaatigut
siusinnerusukkut KIS-ip ataani siunnersortit suliarisartagaanik suliaqartartussaapput.

Inussiarnersumik inuulluaqqusillunga
Med venlig hilsen

Ane Hansen